



江忠烈公遺集

詩錄

漱浦漫興

青浦席威孟則甫重校刊



幽人撫綠綺彈破五溪煙莫怪知音少此曲今不傳

訪舒壽字同年

百齡

為訪同心趁晚涼五溪深處見山房路迷蒿艾人蹤

少酒饜醇醪客話長憶昨燕臺同市馬與君歧路歎

亡羊故園歸後長安遠知否烽煙近

帝鄉時間夷船

駛至天津

汪憲烈翁集 詩錄

行素草堂 槐廬叢刻

沅州舟中

數載風塵苦今茲返舊林那堪雙鬢影又照五溪深水曲帆徐渡山高日易沈灘聲已嗚咽莫更聽猿吟

投何文舫師

我入龍標城風俗何醇美伫立問父老云是今年始今年新尹來明鏡懸萬里有婦虐其姑尹聞置之死并呼鄰里來喻以仁孝理疾惡甚仇讐愛民乃如子所以期月間化成無遠邇我昔初見公意謂經生耳孰謂坐琴堂吏治偉若此方知古循吏端自儒林起

急投懷中刺依依親杖履應許坐春風一爲湔塵滓

黔陽謁靈佑伯祠二首

靈佑伯周文曄字元隴浙江海甯人 國初

宰黔陽甫三月靖州降將陳友龍叛以其眾

來犯文曄堅守百餘日賊稍卻開門掩擊追

至金橋以眾寡不敵力戰死之闔門八十餘

口同時殉焉事聞 命建專祠歲春秋祀事

詳湖南通志

絃歌化甫布崇朝鼙鼓聲旋徹九霄百戰不摧張許

江忠烈公遺集

詩錄

二

行素草堂
槐廬叢刻

志孤軍爭奈虎狼驕生無奇策殲狂寇死有忠魂翊

聖朝終古龍標往來地風雲常爲護金橋

取義成仁矢志堅舉家同日赴重泉丹心足並乾坤

永青簡何妨姓氏湮八十餘人
志未載名檻外方池清映月檐

前古柏翠參天我來正值秋風冷一薦溪毛意黯然

讀紀烈詩徵題後

生世何人不愛軀臨危畢命况須與閨中窈窕竟如

此寄語偷生賤丈夫

贈曾天谷茂才

寶光

天谷昔居湘水曲爲慕赤松尋辟穀幡然歸去龍標
城黔陽山水爲君清有時聚米畫形勝方輿阨塞指
掌定有時樹表測蒼穹周天象緯羅心胸秋晴訪君
渡沅水龍標山色青無比君方倚杖看山歸一笑相
逢色狂喜置酒前除月映波舉杯斟酌復狂歌昔日
拌尋勾漏令誰知此意成蹉跎方今鯨鯢跋巨海復
聞霍潦崩洪河至尊日夜憂飢溺丈夫有志宜

枕戈手無尺箠與寸柄拔劍四顧空滂沱我初見君
心已折忽聞此語腸內熱蓬蒿豈合埋姓名欲濟無

江忠烈翁集

詩錄

三

行素草堂
槐廬叢刻

舟招不得人生隱顯祇兩途不爲廊廟卽江湖眼看
日月疾於鳥莫更因循誤此軀

宿洪江夢贈人一律醒後僅記宴安紈綺二句
因足成之

莫嫌車馬逐風塵休厭飢寒迫此身得戒宴安緣客
久免譏紈綺賴家貧朝廷已定和戎策海徼猶
需草檄人繫頸請纓男子事封侯歸醉洞庭春

曉行

落月未沈屋曉雞催客行馬遲知路險裘敝覺寒生

遠道長年慣浮踪四海輕前途殊黯澹山色喜相迎
途中喜雨

匹馬出幽燕長途旱苦煎忽驚塵捲地彌望雨連天
宿麥蘇今夕無禾近四年坐聽田父語喜極轉潸然

寄湯海秋農部

鵬

韓蘇世云遠風雅道將傾天恐斯文喪人鍾間氣生
披胸星宿滿落筆鬼神驚視草綸屏罷精廬又授經
登齊河城樓

雨息層城望漫天煙霧開水流遼海去山接岱宗來

江忠烈公遺集

詩錄

四

一行素草堂
槐廬叢刻

漢帝曾封柏秦皇舊有臺蒼茫何處是搔首獨徘徊
大清橋

水痕衝岸急橋勢鬪空飛利涉青齊賴洪濤碧海歸
濟川心尙在題柱志偏違杳杳天難問踟躕對落暉

奉寄劉雲樵丈人

湖海愁羈客山林憶偉人襟期三代古孝友一家春
躍鯉誠開凍蒸梨義感鄰渾曾流德秀藥每侍純仁
學業陰鏗富家風原憲貧薄田荒郭外佳句滿湘濱
俠骨窮猶傲中年德更純論交加水淡識面比醪醇

龐馬原同里劉盧况世親季方持杖日荀儉候門辰
侍側常稱鳳逢人輒歎麟招要心倦倦告戒口諄諄
豈謂狸難變何時蠖始伸駒光騰去速離集感尤頻
苦志徒茹檠趨庭愧負薪虞卿方困趙季子已辭秦
遼海鯨猶肆衡陽雁又賓望公何處是秋雨滿重闈
與嵇蔭滋游北城

城闕連斜坂登臨趁落暉暮蟬鳴樹急倦鳥避人飛
葉下梧桐瘦疇平梁稻肥秋風不知慙瑟瑟上征衣
野望次嵇十一韻

江忠烈公遺集

詩錄

五

行素草堂
槐廬叢刻

萼菜羹空美桃源津尚迷偶乘秋雨歇來看夕陽西
庾子小園棗張公大谷梨從君賞幽事一一入新題

再疊前韻

日沈羣壑暝歸路晚煙迷蟬咽涼風急星流大火西
客情諳苦檠詩筆爽哀梨不覺空山寂相從句屢題

平原懷古

錫奴亂唐室河朔沒腥羶甘郡人何少孤城公獨全
弟兄能報國宰相不容賢正直多蒙難千秋一慨然

秋懷十首

夜久不成寐披衣步前楹軒窗寒月色砧杵變秋聲
事業劍三尺生涯棋一杯金飈攪客夢萬慮一時縈
少歲服奇偉甘貧長坎軻文章游俠傳兄弟力田科
豈被聰明誤醜教離別多塵心何日淨歸去老巖阿
旅食京華久燕臺又夕陽無才羞怨命多病每思鄉
腳躡虞卿躡肩擔季子囊故人如問訊詩卷壓歸裝
驅車憶前史往復流民圖長吏恩原普愚民計總迂
飛鴻號澤畔荒草沒前途聞道永興判今朝上瑞符
自顧方飄泊誰能爲爾謀添將今日淚惹出故鄉愁

江忠烈翁集

詩錄

六

行素草堂
槐廬叢刻

苗秀南山豆田開舍北溝未知時雨降可得有年不
男兒去鄉井父母倚門閭牢落三年別周流萬里餘
萊衣弟能舞毛檄我猶虛欲上南山頌惟憑一紙書
合有煙霞疾江山到處迎舉頭看嶽峻濯足想河清
星沒千家曉雲開萬嶺晴前途無限好只是客中行
寂寞蕭齋裏柴門竟日扃故人勞問訊知已半凋零
書寄憂難達魂招豈有靈秋風不相識猶自款疏櫺
無事忽長嘯飄流又一年對書常扼腕攬鏡欲華顛
客燕衝殘雨征鴻入暮煙便當沽濁酒一醉問青天

是非千載定何事更狐疑直恐風塵老羞爲世俗知
梨肥秋雨細葵熟晚風遲散步荒郊外狂吟梁父詞

秋日懷鄧小耘同年

瑤

羣居苦君數久別憶君真經術鯉庭舊文章鳳閣新
齊遊思鮑叔趙說想蘇秦珍重貂裘做新寒正逼人

寄張栢皆同年

經贊

獨有張公子居然器出羣醞醇公瑾酒嚴重景丹文
汶水秋先冷燕臺日正曛思君獨不見搔首賦停雲

與嵇蔭滋晚眺大清橋

汪忠烈翁集

詩錄

七

行素草堂
槐廬叢刻

前游殊未久水落忽橋高始悟升沈理翻驚日月憎
秋風生老柳暮色上寒臬絕似湘江晚相攜坐小舸

夜思

此夕秋將老閨中刃尺寒可憐諸姊妹尙說月團圓
四載牛衣冷三更蠟炬殘停鍼方憶遠離緒定無端
與嵇蔭滋登城樓見河水洋溢循溪上泝至暮

方歸

久客秋將半傳經晚始閒斯城歷秦漢攜手對江山
形勢粗能審昇平詎有患延緣不知莫還爲溯前

灣

雨過水猶濁風輕浪亦微潛魚深不測好鳥倦能飛
作楫中流晚迴瀾壯志違遠看羣壑暝悵望各言歸

初月

列宿皆潛伏生西未肯東幾時見圓相搔首問天工
今夕光雖細于潭印自同不辭長若此深夜入冥蒙

仙查

既有浮查在天河未覺遙如何牛女渡鰲用鵲填橋
橫漢從來久秋風未肯飄仙人終用汝莫惜暫停橈

江東烈女集

詩錄

八

行素草堂
槐廬叢刻

送羅伯仙明府之任井陘

去年被病如被酒徹夜呻呼驚戶牖我公藥我起九
死活人須臾未曾有公學豈惟盧扁徒仁術江南活
黔首曾聞白馬湖邊路歌頌神君不容口

曾任寶應縣令

州地瘠民苦貧不似東南財賦數連年春旱更秋霖
病急求方需肘後嗟爾瘡痍今各蘇艱難遇茲醫國
手士元雖非百里才國僑自是衆人母臨歧我欲酌
大斗持向離亭爲公壽蒼巖山畔萬峰環待聽歡呼

徧童叟

贈黃鶴汀

君才如長劍寒光高萬丈不去斬樓蘭古匣鋒自養
造物愛才有深意未許千鎖速騰上方今海氛猶頽
洞誰踏滄波誅魍魎土元知非百里才伫看伊吾一
抵掌

贈彭暄塢旭

人生如行舟南北隨所牽桑梓不常值萬里忽相見
嗟我狂且愚動輒遭世譴不謂與君交膠漆同縉綬
君才如干將凜凜寒芒炫我獨契其深反復看不變

汪惠烈彙集

詩錄

九

行素草堂
槐廬叢刻

煌煌 帝王都夥頤走羣彥咄哉兩狂士閉戶守
孤賤孤賤何足論要以道自繕吾道久堙鬱相期共
摩鍊

金非冶不堅玉非鑪不美嗟君獨何爲邁此銷骨毀
奇骨豈能銷天意或可揣虞卿坐窮愁著書照青史
范叔非去魏誰知天下士古來豪傑人半自動忍始
窮冬天地寒霜雪誰處是松柏孰後雕蒲柳孰先萎
請君慎自擇庶以躡前軌

李杜忽已遠風雅委榛荆嗟君涉末流欲與狂瀾爭

向效西崑體綺語吾不賡邇來氣初壯筆底韓潮傾
繡腸百怪具巨細隨所鳴曾入明光宮吮筆賦清平
甯當老風塵似我蓬蘖行我詩久不作荒田聊一耕
願聆威鳳響莫作寒號聲

贈楊春皆同年

孝麟

訂交二十年相見苦逼窄君鬢旣欲華我髮行將白
起看同學子裘馬自烜赫榮悴各有時豈怨雲泥隔
我材慙卷曲理不中繩尺君材天廟器早合麗圭帛
胡爲並棄置老作幽并客側聞海上鯨跋浪滄溟圻
江忠烈公遺集 詩錄 十
繫頸正須才擘畫定何策深山有大木待用古難迫
造物忌速成良工當自惜

贈曾滌生庶子用東坡除夜贈段屯田韻

洞庭渺人閒衡嶽蠹天半茫茫高與深妄測真可歎
先生廊廟珍甯比白珩玩延裕下水船叔夜廣陵散
有如大國楚曹檜誰等伴才高心轉下吐納師公旦
叔季俗澆薄噴飯堪滿案鸞鳩搶榆枋井底蛙聲亂
賢者不可測無垢躬自盥几帶勒箴銘韋茲砭矻急緩
庶幾忠恕心家學參一貫行當位夔龍爲世起貪懦

春和美陽澤萬物歸爐炭功成湘水上松竹款山館
嗟余亦欽崙世態羞冷暖感君纏綿意勉歌發笑繁

疊前韻寄馮樹堂

卓懷
二首

濂洛去已遠俗學常居半鄉原如稂莠亂德尤可歎
嗟君獨超軼詣理物無玩大木產巖阿早不作樗散
在山更挺特恥與荆榛伴惟有歲寒姿輦寺共昏旦
往者 王師出失律罪宜按嶽嶽陳侍御抗言糾
衰亂國恥未云雪如垢急思盥當以去就爭言責不
容緩君欲誘進之高論金石貫不辭汲黯驚冀變之
江忠烈遺集 詩錄 七
行素草堂
槐廬叢刻

子粲

百年如瞬息弱老况居半及壯不自立後此空浩歎
嗟我狂且愚歲月多愒玩嬾眠同孝先褊心類中散
自與吾子交遂謝少年伴人禽辨幾希好惡課平旦
誓將長相隨晨夕共杯案庶幾薰染深稍理絲繩亂
君接堂上書欲歸侍漱盥我因友病革急難不可緩
別來幾何時愁思一縷貫鄙吝日以萌誰與警慵懦

西南火雲燒長空如熾炭今夜適征人信宿何處館
遙憐相念殷食冷定忘暖何當生羽翰飛去見此粲

贈家曉帆太史

國霖

吾宗溯炎漢巨孝流清芬繁衍李趙閒載德世有聞
芝山殉國後遺緒風吹雲遙遙六百年誰與張吾軍
太史西蜀英飽吸錦江濱與酣一揮灑萬丈傾詞源
早歲貢玉堂聲名動

至尊勉簪花一枝不敢違

君恩屢乘八月槎風運郢匠斤所至無畱良已

空冀北羣高軒昨日過遺我千尺纒速藻絢奇葩刻

江忠烈公集

詩錄

七

行素草堂
槐廬叢刻

燭何足論行當歷清要駟馬高宗門足知文忠澤奕
世長芬蓋賤子何足算派自江西分播越更兵燹世
系如絲棼便欲祖梁公家乘無明文感君存問厚期
君功德言既受

堯舜知可無龍夔勛下爲宗族

光上慰 宵旰勤

喜雨

老龍睡醒搖銀鬣戲把天瓢翻向空招呼箕伯助神
工阿香推車走靈靄須臾溝瀆鳴奔洪高田下田春
冥蒙農人歡呼徧西東指顧禾黍青芄芃今年有年

非意中轉移天鑒由
宸衷憶從八夏遘蘊隆蒼
耳黃埃隨處逢大麥小麥如枯蓬食珠炊桂升斗窮
壯者罄罄中澤鴻何况老弱與疲癯
皇帝顧此
心有忡詔曰咨女卿孤公朕將有事禱黑龍先理庶
獄揚仁風
法駕未出精誠通感召和氣生沖融自
朝至暮流膏濃坐令歉歲歌綏豐廷臣舞蹈欣時雍
天子盛德彌謙沖人心豫悅天心從大造造物
不言功我家湖湘事春農別來未卜年豐凶時雨萬
里同不同吟成夢歸心匆匆

猛烈翁集

詩錄

三

行素草堂
槐廬叢刻

次韻滌生庶子見酬

羣兒聚訟聲如鬩苦道詩人出饑凍畢竟康衢擊壤
歌難與皋颺相伯仲先生吾國古顏子已事
聖
明辭屢空胡爲飽食玉堂珍依然下筆吞雲夢窮如
我輩例詩工歌謠合備輶軒貢潦倒呻吟三十年偏
少佳篇博傳誦昨來偶逞雕蟲技拌與先生覆醬甕
不謂人間箏笛聲引來天上霓裳弄故人己矣平生
誼一體那不關癢痛先生作詩獨見推自知語重未
敢諷我生疏直世不要况復狂愚嫉者衆一從去歲

交馮君始若駉騃就羈鞚郭生愛我意尤深匡所不
逮彌其縫先生今更誘進之如見青天披霧霽聲聞
雖抱過情恥感激欲爲知者用不辭便爲牛下鐸黃
鍾在律其音中沈吟歸載古錦囊定有祥雲相護送
前詩既成李竹屋如崑鄒春笙溥霖及彭暄塢
皆和之復疊前韻呈滌生庶子并簡三君子

連日詩壇金鼓鬩長猷運筆不及凍偏師况欲舉其
旗慙對詩伯難爲仲曾侯名德絕流輩胸臆廣大天
宇空已聞東宮擢新銜時復西堂尋舊夢邇來持贈

江忠烈公遺集

詩錄

古

行素草堂
槐廬叢刻

亦到我愧乏球琳爲君貢君欲誘之厯堂奧項斯到
處逢人誦李侯聞之亦技癢據案狂歌還擊甕更有
鄒子來燕谷吹律相從發清弄彭君文采吾所奇興
酣著語尤沈痛我生聞善苦難藏心旣醉之口輒諷
虛懷若谷誰似君重士踰山稽諸衆遂使吾儕中下
駟千里附驥隨飛鞚滄海逆夷鯨揚波巴西羣盜風
處縫嘉謨嘉猷君入告要濟時艱埽氛霧雕蟲
小技壯夫恥冑把精神耗無用我與數君游帝京
射策明光無一中例將理亂置不聞只譚風月相迎

送

疊前韻爲柳溪驅病

柳溪鄒姓名興愚庚子
陝西孝廉原籍新化

陰陽寒熱鄒魯鬪熱似探湯寒作凍鄒生爾病果何
辜綿歷三春過夏仲我欲乘風上九天手叩天關如
鑿空謁見玉皇借六甲斬除二豎清惡夢須臾天仗
森排列大開閭闔受朝貢臣愚昧死再拜言願霽天
威聽輿誦臣友鄒生狷者徒安貧久抱漢陰甕奇骨
例爲百神欽運艱偏被羣魔弄高堂有母下無兒萬
一不虞臣實痛東陵壽考天甯論原壤不死聖所諷

江忠烈公遺集

詩錄

五

行素草堂
槐廬叢刻

鄒生清耿獨構患一身那敵三彭衆願假神農草木
兵岐伯專征御飛鞞盧扁和緩受節制四面還攻無
一縫窮追邪賊繕榮衛只有三焦留霧霧廓清膏下
與育上從此攻伐長不用鄒生爾病合當蘇蟣虱小
臣言必中病鬼不與窮鬼殊昌黎有文尙能送

哭鄒柳溪四首

寒風六月作秋聲客舍孤燈獨愴神傲骨例難容濁
世夜臺應悔戀京塵魂依蕭寺誰憐汝家隔他鄉尙
累人賴有阿連來萬里護持旅櫬早歸秦

歸真無語淚潸然家信淒涼不忍傳骨肉那知春夢
散科名猶盼捷音傳封人有母誰貽食伯道無兒莫
問天痛絕廣陵織縑女侍君巾櫛未經年

昂藏意氣薄雲煙病裏猶思著祖鞭宛馬未酬千里
志海鵬難訴九重天蘇韶詎有回生望向秀空傳思
舊篇或喜修文君不愧一生孤憤未妨宣

半月論文病卽侵無方起死愧交深良規尙在人何
往遺篋親收淚不禁溽暑蒸雲天慘黯淒風送雨氣
蕭森黃金臺畔桑乾水嗚咽聲聲助客吟

汪涇烈金遺集

詩錄

六

行素草堂
槐廬叢刻

寄郭筠仙

嵩壽

意城

崑壽

昆仲

翠柏產高岡百卉無顏色得一已足珍雙株况挺特
物生固難量才大天所嗇嗟此獨鬱葱吹噓豈人力
大厦需棟梁良工終見識霜雪雖云苦摧挫實培植
保此後雕心無爲徒鬱抑

訂交近十載相見能幾霜京華一相失各在天一方
昨夜夢見君攜手入我堂覺來仍萬里殘月照我牀
吾思齊年中莫如與子臧子今旣顛頓我意亦淒涼
淒涼何足惜但恐鬢毛蒼各理千秋業努力愛時光

久旱已而甚雨用東坡次孔毅父韻呈滌生庶
子

去年秋雨滹沱溢沿河廬舍半漂失今年皇天久不
雨嗟爾旱魃定何物 聖主勤民古未有視朝不
待晨膳出從來德至災能弭詎意天高靈莫乞昨者
偶從城外歸十里幾家見黔突城中醉飽漢不聞費
靡萬錢方佞佛父母斯民責有歸無事覲顏盜廩秩
我生貧賤天所命餓死未要旁人恤哀此疲氓力耕
種年豐僅足償什一今年不復望有年坐令溝壑填
白骨天災流行匪天意詎擇朱門與蓬華但見富人
百無憂誰憐貧者爲饑出貧人一旦爲饑驅富人豈
得安其室我欲借取霹靂駕手把天瓢洗蒸鬱由來
大旱要霖雨眼看此勢難終日

羣材汰盡餘沙礫報國空慚劍三尺門外哀鴻忍勿
聞閉門且飲三升墨 九重軫念災有由省獄恤
囚理冤直原廟亡珠赦不迫齋宮修意深難測皇天
感動爲沛然甘雨初無中外隔箕伯布令散朝涼阿
香推車罷宵織客窗蕭騷昏徹曉衢巷沮洳泥沒屐

遂令萬衆歡如雷但免憂饑不憂溺誰知畿輔仍無
年旱雖無患澇可憐愁霖彌月不暫止高亢下濕無
一全試上城闔望郊甸灑灑四野奔洪泉僮僕勸我
急歸去城中斗米行千錢故山音書久斷絕懸知萬
里同此天憂來一醉北窗臥幾時紅日過苔甌開門
看雨思一出舊交寥落十無一不如閉戶尋佳夢夢
見故人入我室夢郭分明似念曾南豐對雨長吟抱
雙膝吹帷注面不自歎但憫時艱思曲突達官如君
千百輩幾人似君有狂疾况今夷礮息狂雷瓠子既
泥瀆迭相訪日飲亡何千百杯

發都門二首寄別滌生庶子

久客思鄉井常恐歸無時僕夫已趣裝又作別離悲
別離隨處有感君入心脾逢人誇我賢相對仍切僂
緬思古人交形隔神相隨君非私我好此意我自知
西風何太急臨歧吹我衣

向晚渡桑乾月暗雲水黃平生四度過今夕眞淒涼
我友已爲鬼我師復病牀咫尺行不易况此道路長

江忠烈公遺集

詩錄

七

行素草堂
槐廬叢刻

蟋蟀號四野悲風動陰房遙憐高堂上今夜夢還鄉
柳溪靈柩車載難行一日死兩馬人言死者爲
厲吾不信也今一馬又病矣詩以禳之

乙巳六月夏鄒君死

帝鄉秋八月初吉輿喪還

紫陽阿兄護靈輻我奉師偕行三馬駕一車中途兩
馬僵人謂君爲厲一馬又元黃拜手告君知君母倚
門望囊金再傾盡何以奉高堂君欲速歸去馬瘡君
其禳願君切三思異鄉鬼可傷

哭鄧鐵松師

鶴齡

江忠烈公遺集

詩錄

九

行素草堂
槐廬叢刻

異鄉見同氣生死誓相依嗟我鄧夫子至性堅不移
去年客京輦有弟捷南闈春明試將迫盼弟來如期
弟來亦何暮兄望亦何癡癡望忽焉到喜極不自持
憂喜互相攻嘔血條盈卮形容日枯槁行路知難醫
誰謂試事畢阿弟已先歸旅館嗟誰伴惟有二豎隨
欲歸囊無錢插翅安得飛曾蕭古君子解囊時其虧
謂我舊及門鞍馬護南馳南馳未數日奄及死別離
臨危執我手欲語淚交頤謂余死不恨永與同氣違
妻孥誰不念所重在連枝子歸語余季念我毋過悲

此語誰復聞沈痛摧心脾憶昔甲午歲吾師來夫髯
數月坐春風早得窺樊籬謂當貢玉堂勲業媿龍嬰
次亦宰百里膏雨潤瘡痍豈謂天難間用行終無時
潦倒五十年一朝隕路歧從游實無狀萬咎安所辭
異鄉惡死人見輒走避之逐客令屢下安望持其危
典衣買柳棺鬻者尤居奇送終禮數缺悽惻徒涕洟
可憐春生子古誼厚不漓知我方寸亂籌畫不少遺
哀哀路三千素車指湘涓吾師有二子頭角聞錄寄
扶柩到其家義當敦切憫達人後必大庶幾紹裘箕

汪烈齋集

詩錄

三

行素草堂
槐廬叢刻

渡黃河

我行南北四渡河艱難灑涕三度過辛年秋汎祥符
決下流澗出成平坡上流橫行占郝落人與飛鳥爭
巢窠稍喜王尊能捍水謂牛中丞不然城廓居鼯鼯去年
中牟塞復決糜費何啻巨億多吾君日夜憂饑

溺治河使者將如何今年河神始受職安流穩渡如
飛梭南行再入祥符境舉目百里猶瘡痍朱門蓬華
亦何有時見屋脊埋沙窩流民萬死歸故土土窟深
入如繭蛾停車長揖問父老爲言天禍非由他室家

蕩盡田園沒餘年饑凍命則那早知無復生人理甯
隨舉室投洪波我從出都已悽惻更聞此言淚滂沱
被災數載尙如此中牟况與此殊科平時宣防耗國
帑但飽吏橐無券礮事至愚民先受禍捐輸日夜猶
煩苛嗚呼 廟堂甯左計速緩徵斂蘇瘵瘥

東明阻雨

天公似憎我行速嘔雨濺泥止歸軸我留京華逾兩
載不惜此間一再宿男兒進退本寬綽早歸固願遲
不惡不緣情事有匆遽逆旅何妨且尋樂長安故人
江忠烈翁遺集 詩錄 三 行素草堂 槐廬叢刻
骨未返白髮倚闥嗟道遠哀哀吾師死他鄉萬里一
棺何日空我欲乘風叩天閭喚取羲和鞭朝陽朝陽
一出宿雨止靈乎歸來返蒿里

汴梁贈鄒墨林大令

我行發都門一車占載鬼秋風欺我窮又吹梁木萎
僕夫幸兩喪誅求日無已逆旅更居奇到處瞠目視
方恃馬力強兩驂鞭不起平生淡憂患此行真瑣尾
蹒跚抵大梁故人適官此相見未寒溫涕泣悲生死
置酒煖我腸解衣蔽我體傾囊易鞍馬悍僕煩鞭箠

陳李未謀面因君貨升水末俗重勢交紛若附羶蟻
誰能途窮時緩急劇堪倚故人如孫宰我愧杜陵比
浩歌彭衙行臨歧淚如洗

朱仙鎮

朝發汴梁城暮抵朱仙鎮人煙靄空碧砧杵報秋信
緬懷岳家軍北伐堂堂陣撼山軍令嚴破竹兵機順
中與四名將我公尤勇奮指顧黃龍城痛飲發忠憤
生迎二帝還死雪中原忿一朝金牌出萬古長城恨
宋社固已屋金室亦隨燼歸然祠廟在蓋代威靈震
江忠烈公遺集 詩錄

三

行素草堂
槐廬叢刻

襄城道中

襄城道中雨冥冥我車日暮泥中行曠野無人雲似
墨時見鬼火明秋螢我生意行無險阻信步不知有
溝坑周防不虞輒已覆沾溼誰能辨冠纓練身一躍
下僮僕挾輶仍望東南征旅店荒涼二更後不識後
車能至否此身詎惜辱泥塗命窮還累吾師友挑鐙
聽雨待雞鳴明日泥塗三尺厚

路莊

薄暮抵路莊煙籠村樹稀徘徊石橋上我行竟安歸

田父驅犢還揖客開荆扉呼童沽村酒相勸盡一卮
我醉方欲眠鄰舍聞長歎種麥未出土刈豆不得晞
秋雨無了期安保寒與饑饑寒亦細事征輸日夜追
努力納官長庶免遭官笞

草屯

鞍馬日嘈雜兩耳不暫明今夜草屯宿忽聞弦誦聲
此邦文獻地賢哲實挺生安知千載後繼起無才英
問是主人子暮讀朝還畊見客出所業問可求功名
我方坐耽此日夜因長征學道悔不早誤我竟何成

江忠烈公集

詩錄

三

行素草堂
槐廬叢刻

勸君立徙業屠酤致公卿

鳳莊

大路愁泥滯小路遠官堠連宵村莊宿那識今宵又
今宵非昨比十室九逢訴最後一人賢借榻指外廡
寢食溲渤間且住不辭陋中有天驥姿毛落背生瘤
意外訝客來悲鳴似號救嗟汝本權奇不得飽芻豆
垂耳服鹽車坐此身骨瘦方今海氛惡大功須汝奏
善保千里志王良會須邁

次韻暄午送別四首

腸饑要穀充衣冷要棉裝擾擾覆載內但爲身口忙
愛君寄旅館枯坐穿藜牀肯宿不得飽恥作左右望
朝來過我飲對榻忘夜長謂欲投筆去萬里事戎行
惜無片帆風吹送渡海航君看失林鳥田野啄餘香
毛羽果能豐終逐雲霄翔

頑石有時轉枯楊亦生稊古人重悔過面命耳還提
常恐根蒂淺微類玷明圭所賴賢友朋大道示醯雞
庶幾馳康莊不復憂蹶蹶子詩屢見許發讀忘朝饑
知是寓規諷諒非空囑咿我亦出苦語千里效惻惻

汪忠烈公遺集

詩錄

五

行素草堂
槐廬叢刻

甯遭俗人罵毋爲有道哈

羣居爭是非我不輸子長子亦不我下各自樹藩牆
別來細紬繹屢覺子言臧乃知氣未平誓欲閉虛堂
盡荒前日陋并戒後日荒聞道雖已晚鬢髮尙未蒼
期子更遠勸新篇寄球琅他時握子手庶不笑我狂
幾日不相見攬鏡愁貌癯况我賦歸去迺在萬里餘
萬里詎云遠憂思出不虞德薄累師友沈痛切肌膚
人言數早定定數詎難逋寫憂陟高岡僕痛馬亦瘡
泌水清以深買舟棄征車飛鳥知人意相勸提壺盧

樊城別春生三首

嗟我命窮薄連月喪師友兩役集一身急難誰援手
子母乃愚人萬里任奔走雖云從弟行肝膽今無有
人生無憂患誰知性情厚淪落不足悲此行當不朽
出都望襄樊常恐到無日念當與君離又恨馬蹏疾
歸帆挂西風漢水東流急瞬息便千里且復斯須立
秦中古關輔南山勢盤屈登臨得佳篇歸來爲我述
君如安于緩我似西門急相反不相入胡爲若膠漆
本原旣已合自不存形迹君看惠與夷道殊趨則一

汪忠烈龜集

詩錄

五

行素草堂
槐廬叢刻

臨歧出苦語各自矯其失明年昭陵道相見還相質
余秋間南旋袁漱六太史芳瑛以詩見送舟行

多暇次韻寄呈

漢人崇訓詁經義多膠固晉士祖虛無國是清談誤
煌煌宋儒出豁若埽煙霧斯道樹藩籬人心啟蔽錮
數傳真僞淆羣言得失互展轉逮東林召禍一何驟
亂極將復治道喪天所惡 聖朝正學昌僞儒失

依據陸湯兩先生駸駸得聖處二張尤挺特慥慥言
行顧哲人不世出天遣昌國祚爾來學派絕狂流日

東去虛名把節鉞慷慨談時務事至同一走反欲笑
百步文士尤浮夸挾策事趨附口是心則非反覆吁
可怖世運至此極挽回將誰付豈無醇謹士踽踽畏
行露且晝卻嗟來未必保昏暮亦有濟時才赫赫勳
名著內行不可問何爲論施措我生聖賢後斯文敢
云與但當守一真遙遙寄前慕古來幾雄才事業垂
青素此心祇一僞童稚亦羞語我常持此論惟君其
殆庶窮達本難齊相期存戒懼千載一身在公論不
肯恕根本先無虧然後論建樹

江忠烈公遺集

詩錄

美

行素草堂
槐廬叢刻

臨水愛清深看山憎迤邐日與勝已遊借潤起孤莖
伊予習孤峭四海寡知己城南雖識君泛泛非親比
年來走京華堅臥常不起坐令平生歡咫尺若千里
曾侯來說君未可白眼視腰腹雖不腴治亂掌上指
使我冷僻性聽罷色焉喜欲往問津涯冀稍振頽靡
方愁高臥袁不納通家李鞍馬忽見枉喜躍筆難紀
握手戒常語肝膽各相矢論事到夜深雄辨警同邸
童僕倦欲眠屢報斗柄徙君尙拒不去舌本如飜水
此後過從頻形迹捐我爾示我石鼓賦字字絢朱紫

今世見此才古人疑未死君猶謂小技大者可知矣
方期琢磨深濡染徹表裏誰謂會合初卽是別離始
詩來送我行周行一一示不作太白仙頗學杜陵史
受之我增愧君情猶未已時方戒僕夫奔走汗如泚
憑軾觀未暇况欲堅壁壘舟行當閒寂循省勉作此
念我素狂直詩成君勿鄙京師冠蓋場紛若鬪羣蟻
毀來未必非譽來未必是毀譽兩不驚建樹庶可倚
同鄉陳與巖有志宜進取餘子碌碌耳不算天下士

哭曾春田同年

汪憲烈遺集

詩錄

三

行素草堂
槐廬叢刻

十載走名場觸事多感愴豈惟嗟沈淪漸復悲死喪
前年鄒與鄧艱難已萬狀曾生我同年里閨復相望
行年五十三髮白心彌壯慷慨走幽燕談笑輕波浪
同行竊相謂此老不可量何期近 國門一病天不
相淒涼道路閒桐棺等藁葬邸寓始得問尙冀傳者
妄癡奴走告我涕泣聲輒放經營易其棺麥飯聊相
餉謂我稍得志南歸片帆颺送汝返故鄉免遭赤日
煬不才已擯斥定省難久曠孤棺戰烈日萬里甯無
恙良由我不德念之徒自悵可憐妻若子按日計臚

唱不知成死別猶復盼歸舫痛哭長塗長火雲燒萬
嶂何時到其家白骨就黃壤

次韻曾溫甫贈別

蒹葭淒以蒼溯澗水之湄尊酒與君別揮手欲何之
古來豪傑士襟抱各有期我興在邱壑廊廟非所思
偶覬太倉粟藉療季女饑下和復見則天定人難移
我夢歸故山明月照我帷來時手種柳拱矣良堪悲
尙復戀風塵行樂當何時九秋騷人菊千載義士薇
古人不可作夙抱良在茲人生適志耳肯爲浮名羈

江忠烈公遺集

詩錄

五

行素草堂
槐廬叢刻

故人重離別臨歧牽我衣新詩苦慰我慙棄非終遺
要我勿歸去途長風雨淒我志久已決安肯從君爲
君看天宇內鱗羽各分馳強魚使在山魚自與水依
強鳥使在水鳥不與山離萬物無不然譬若口鼻頤
生初所位置誰能強之齊出處况大節行止非兒嬉
不進便當退因循古所訾君才本英俊志向高巍巍
文章造幽險詩律析毫釐時一出佳篇有味如食飴
自喜元龍豪不學長康癡方今長安中萬事如弈棋
側聞轉輸竭司農仰屋嘻海氛雖暫靖常恐煩 王

師嗟我山澤癯憂時淚空揮羨君梁棟質終中繩與
規請纓繫夷頸破陣作歌詩無爲徒抑塞牢騷吟楚
詞

得郭意城書暨詩次韻奉酬兼寄喆兄筠仙

四海一身無處著歸作榮期甘帶索鴛鴦已無疆場
志雄心不復將耶躍城中貴人屢見招怪我足不踐
城郭方行田水聽清快未暇冠纓受拘縛小奚報道
新雨霽四面軒窗見巖嶠振衣扶杖陟其巔放眼層
空消障膜歸來鐙下見兩弟攢眉似愁生計削人生

江忠烈公集

詩錄

无

行素草堂
槐廬叢刻

富貴亦何有志士不忘在溝壑承歡况有菽水資老
天待女良不薄陳平便當飽糠覈昌黎何爲羨熏灼
田父野老足追隨但得寬閒只行樂秋來忽見稂稻
熟夏日未遭旱魃虐人言祈禱格蒼穹那識鬼神哀
劣弱今夏大旱仿董子春秋繁露
祈雨法率鄉人行之有應呼僮刈秫酒材辦
噴鼻春筍勝蘅若倒牀醉後呼不醒誰料道旁烏肉
攫男兒無德化鄉里忍見豺狼恣吞嚙鄉田友助聊
小補如救車薪用杯杓故人書來遽相許新詩下筆
珠璣落頭顱四十我自知此生休問凌煙閣來詩
及此高

冠大羽非不願 昇平未要歌偕作鄉里正有馬少
游莫待飛鳶思浪泊君才倍我我自知談笑往往輕
沙漠眼前潦倒天有意欲練奇才須困約伯也抱負
尤魁奇管樂許身真不忤會看雙鳥順風翔聯翩所
向無空廓

癸丑章門病中感懷

東望三城久未收又聞鼙鼓入中州孤城保障吾何
敢大局艱難劇可憂前席屢思廉李將中興誰是岳
韓儔危時抱病多憂憤差喜甘霖兆有秋

江忠烈公遺集

詩錄

三

行素草堂
槐廬叢刻

題彭君暄塢章門圍城感懷詩後

烽火漫江夜雨懸孤城愁望墮飛鳶未知天意終何
似每念民依倍惘然吾輩素心期報國書生無計
愧籌邊仲宣自有從征什何日澄清且著鞭

黃陂道中與郭筠仙太史同年別

我入豫章城勢危如累卵千鈞拌一擲此生分不免
故人鄒叔績孝廉漢勳與郭建義集楚產先後赴重圍吾死

獲少緩誰知險方出逆燄倏西燿巍巍半壁山孰使
豺虎滿坐令長江險千里失肩管赴救既慚遲周防

尤愧晚艱虞襄漢深辛苦蘄黃遠死生寄戎馬性命
實危淺郭侯忽告別臨歧重繾綣道途有荆榛何鄉
是夷坦涼秋風雨多中夜離愁縮來生會有期今生
各勉勉

江忠烈公遺集

詩錄

三

行素草堂
槐廬叢刻

夜泊洞庭念與樹堂相見不遠喜而有作

岳陽樓下水連天星光搖盪不成圓我舟夜泊霄漢

閒君山渺渺樓蒼煙忽見湖心炬火然

是夜舟師驚

呼語欲顛夜深無人意共仙悵然歸臥不成眠明日

長沙在眼前故人望我眼將穿怪我此行何遷延今

宵有夢到湖邊

前詩未盡所懷再成一首

赫赫帝王都郡彥紛徵逐中有小馮君枯坐獨如木
短褐纔至盃瓢飲取充腹不喜見要人偏工擊豪族

江忠烈公遺集

詩錄

補遺

三

行素草堂
槐廬叢刻

懷懷孤松青汪汪一波綠豈惟吾鄉少意恐今世獨
別來幾何時佳人隔恐谷德業想日新踐屢應更篤
媿我坦率性放縱不自束來朝執子手慎勿吝忠告

